

王泉笙 · 林文慶 · 王宓文

周邦道

當代教育先進傳之十九

王泉笙 (1886-1956)

王泉笙，字逢源，號梵庵，福建惠安人。清

光緒十二年丙戌，生於桐城。畢業鼓浪嶼尋源書院，及榕垣之法政講習所，名列前茅，咸器異之。三十二年，加入同盟會。民國五年，聯絡閩中同志倒袁失敗，避地申江，奉總理命，至菲律賓協助黨務，於是創辦普智學校，以資策進。十三年，中國國民黨改組，歷任呂宋支部及駐菲總支部執委會常務委員。二十四年，出席中央第五次全國代表大會，當選中央委員，嗣任常務委員，兼國防最高委員會委員等職。

盧溝變起，在非勸募救國公債，及航空救國捐。二十八年，與華僑鄭漢榮、林珠光、黃其華、張家福、周冰心等倡議在非籌設一健全中學，示尊領袖，以中正命名。乘晉京謁蔣主席之便，面請特准設立，被推為常務校董兼校長。三十年，太平洋戰事爆發，適當日飛戰都出席會議，不料經港陷敵。翌年，敵勢稍衰，始得微服難

港，間關抵渝。三十二年夏，任立法委員。旋奉派入閩，視察僑眷及有關僑務，兼膺台灣黨部主任委員。

抗戰勝利，非島重光，自渝返菲，塵裝甫卸，即謀復校，並籌鉅款，在岷市中心區，購地廣袤七千八百餘平方公尺，建築新校舍。三十八年夏，再加擴充，以曠地作操場，又闢校園，蒔植花木，以為息遊之勝境。四十一年秋，返臺出席僑務委員會議後，兼任國民黨駐菲總支部評議員、華僑反共抗俄後援會常務委員。四十二年，闢建體育館一座，兼充大禮堂。四十三年，又擴建圖書館，先後蒐集古今圖書集成、四部備要、四部叢刊及萬有文庫等巨帙，皮藏達四萬冊以上。泉笙對於黨國政治、教育及社會事業，彌多貢獻。而於中正中學，尤瘁其畢生精力；竭智殫心，始終不懈。長校十七年，堅不受薪，且解囊慷慨。僑胞稱其剛毅廉正，信匪虛也。四十四年夏，以積勞罹疾，纏綿病榻，猶心榮校務。自知不起，口授訓詞，勉學生努力讀書，發揚祖國文

化。四十五年三月十六日，與世長辭，年七十有二。總統軫念忠貞，明令褒揚。旅菲各僑團集議籌款，公葬泉笙於華僑義山，復興建泉笙文教紀念館於校園。館闢巍褻，貞珉焜耀，有斐君子，民具爾瞻矣！

(本王故校長泉笙文教紀念館落成紀念特刊、傳略、校史、獻詞等篇。)

林文慶 (1869-1957)

林文慶，字夢琴，原籍福建海澄。祖孺彭，於清道光十九年即一八三九年，移居檳榔嶼。父天堯，生二子，文慶其次也。同治八年即一八六九年十月十八日生於新嘉坡。十歲喪母，十六歲，父亦棄養，與祖父母，孤苦相依。初入福建會館附設書院，讀四書五經。尋轉政府英文學校，升官立模範學校即萊佛士書院，與阮添籌交遊，得讀其所藏英文小說與詩歌等書。校長胡列特 (R. W. Hullett)，喜其英國語言文學之造詣，施以個別指導，學業益猛晉。一八八七年即光緒

十三年，赴英入蘇格蘭愛丁堡醫學院。以父血液中毒，死于非命，故矢志學醫。當時教務長法拉塞爾（T. R. Fraser）與教授中白蘭威爾、格蘭葛、菲立等，皆醫藥學界名宿。一八九二年八月，獲醫學士及外科碩士學位。一九三〇年，榮膺英國外科醫師學會會員。

文慶既返新嘉坡，即懸壺行醫，聲譽鵲起，收入頗豐。同時從事文化活動，並經營商業，首創華人樹膠園及華僑保險有限公司。因岳父黃乃裳為國學家，故亦重視中國文化。乃設中國好學會，華人體育會，鼓勵華僑子弟學習中文，宣揚儒家思想。與宋任相合編「海峽華人雜誌」季刊，積極喚醒海外僑胞，團結奮勵。籌款創設中國女子學校，主用華語為共同語言。民國肇建，臨時大總統孫公任命為衛生部長。香港大學授予榮譽法學博士學位。

星埠華僑陳嘉庚，初在故鄉廈門集美，創辦小學、師範，繼創辦廈門大學，延教育部參事鄧萃英任第一任校長。民國十年四月，假集美師範學校先開辦廈大預科。鄧旋辭職，陳即電請文慶繼任校長。六月，挈眷至廈。年終，初構校舍兩座，增聘留學歐美者為教授或講師。十一至十二年，文學院、體育館、運動場及學生宿舍先後落成。特別重視體育訓練，規定學生必須達到一定之水準。十五年，科學實驗館竣工。迨後二十年，醫學院、工學院、圖書館，次第興建。十五年，聘林語堂為文學院長，國內學者，紛紛由北京南下講學。似此規模弘偉之私立大學，固當時所僅見，政府每年特別津貼國幣九萬元，亦屬前此未有之異數也。

嗣以世界經濟影響，陳嘉庚每年維持三十萬元之款，捉襟見肘，供應維艱。自十七至二十六年，十年之間，文慶堅苦撐持，僕僕道途，頻往南洋募捐，人情冷暖，沉味可知。不意盧溝變起，聖戰又興，校憂倭患，悲憤填膺，遂毅然辭職，由薩本棟博士繼任。稍返星埠，退職鬱結，英譯離騷，以自排遣。四十六年即一九五七年一月一日卒於遜山律寓所，年八十有八。新嘉坡元首暨首席部長，均親臨弔唁，執紼者萬人空巷。

文慶美丰儀，富膽識，具魄力。初為有口皆碑之名醫；繼為資財饒富之豪商；且為口若懸河，辯才無礙之立法議員；茹苦含辛，拓荒異域，威奉之為東南亞富源樹膠種植之父；出長廈大十六年，創建南服弘偉之學府，尊儒求是，誨人不倦，則又為熱愛祖國之華僑教育家。一身而兼衆長，不可謂非當代之異才也已。子四：可勝、可明、可能、可料。可勝以生理學權威稱於世。

（本林文慶博士誕生百年紀念冊，陳育崧、林文慶傳，及其他資料。）

王憲文(1903-1972)

王憲文，字藝初，號惕齋，江蘇泰縣人。清光緒二十九年癸卯四月十八日生。從祖宗炎，以理學、內典、書法知名。考允成，博雅淵懿。外王父丹徒陳廷焯，詞壇宗匠，所著白雨齋詞，為士林所推重。淵源家學，故酷嗜墳典。早歲畢業於國立南京高等師範及東南大學，從王伯沆、柳翼謀、顧惕生、汪旭東、陳伯弢、張世祿諸氏，研治文史、哲學、形聲、訓詁之學，均有深湛之造詣。而溧水王伯沆、溍、詩宗工部，文法昌

黎，論議宏潤似明道，造次剛介似伊川，聞微顯幽似晦庵，圓融透徹似陽明，固命世之大儒也。憲文事之尤謹，以是薰陶漸漬，於詩文理學，遂得其薪火之傳焉。

初任教南京鍾南中學，嗣應聘南遊，歷任馬來亞吉隆坡尊孔中學、馬六甲培風中學、新嘉坡華僑中學教員，荷屬泗水華僑中學校長。於華文教育之發展，華夏文化之宣揚，名滿南服。英國教育當局激賞其才，一九三一年即民國二十年，辟為霹靂州教育局華校視學官，第二次世界大戰後，晉任吉隆坡馬來西亞聯邦教育部總視學官。督導學畫，獻替殊多。嘗赴倫敦專習教育，並廻翔三島，攬勝采風。一九五九年即民國四十八年，出任馬屬柔佛州新山寬柔中學校長。揭示自律自發之宗旨，以策勵學生。訂立共守公約，從事各種活動。每年舉行全校成績展示，並首創畢業論文之試作，教師從旁協助，而親自指引，績效斐然。長校十年，成材甚衆。

、憲文恢弘儒雅，恬憚謙沖，洽接羣流，不為崖岸。擅詞章，好書法，工行草小篆。畢生劬學，澁澁造次，未嘗一日廢書。五十八年退休，董事部聘為顧問。六十一年二月六日以微恙瀕逝，年六十有九。夫人丁儼，京口名門。子廣武，為新嘉坡大學、馬來西亞大學、澳洲國立大學等校教授，能世其學。其摯友黃潤岳為輯「王惕齋先生懋餘稿」行世。

（本王憲文先生紀念文集：王廣武、鄭良樹、高明、黃慶雲、沈慕羽、陳鐵凡、黃潤岳、蘇肇輝，等篇資料。）